

INUIT ATAQATIGIIT INATSIARTUNI



UKA2023/Imm. 46

Uunga siunnersuut:

Filmiliortarneq pillugu Inatsisartut inatsisissaannik Naalakkersuisut saqqummiussinissamik peqquneqarnissaannik Inatsisartut aalajangiiffigisassaattut siunnersuut. Inatsisissatut siunnersuut kingusinnerpaamik UKA2024-mi Inatsisartunut saqqummiunneqassaaq.

(Inatsisartunut Ilaasortaq Peter Olsen, Inuit Ataqatigiit)

Oqaaseqaat:

Inatsisartuni ilaasortaq Peter Olsen, Inuit Ataqatigiit, siullermik inatsisartut aalajangiiffigisassaattut siunnersuummik saqqummiussaqaqaravit – Inuit Ataqatigiit sinnerlugit qujaffigerusuppakkit.

Nunatsinni filmiliortarneq pillugu inatsiseqalernissarput siunnersuutigivat.

Aamma isumaqatigaakkit – nunatsinni filmiliortarnerup iluani pikkorissorsuarnik piginnaaninillu ulikkaartunik nunaqqateqarpugut.

Ukiuni kingullerni nunatsinniit filmiliat amerlagisassaangikkaluartut nunat tamalaat akornannit nersornaa*ti*si*sarsimallutillu tigulluarneqartarsimapput. Aamma qularinngilara tamatta assorsuaq tulluusimaarsimassaquisugut naatsualitut filmiliaq, IVALU, ungasinngitsukkut oscarinnattussatut innersuunneqartoq malinnaavigigatsigu.

INUIT ATAQATIGIIT INATSIARTUNI



Taamaakkamilu nunarput nunanit allanit soqutigineqaraluttuinnarnera arajutsisassaangilaq – aamma filmiortarnerup silarsuaa eqqarsaatigalugu.

Filmiliortarneq aqqutigalugu qallikkut ilorlikkullu kinaassusitta – nammineq oqaatsivut atorlugit – nunatsinni – nunarsuullu sinnerani – inuiattut kinaassuserput saqqummersittarparput.

Taamaattumik filmiliortarneq nammineq kinaassuseqarnitsinnik paasinnittariaasitsinnullu pingaaruteqarluinnartuuvoq – inuiattullu ataatsimoornerunissatsinnut nukittorsaataasarluni.

Ukiuni kingullerni filmiliortarneq nunatsinni annertusigaluttuinnartoq takusinnaavarput kiisalu nunatsinnut avataaniit filmiornermik suliaqarusuttut soqutiginnittullu eqqarsaatigalugit. Piffissanngorluinnarsimavoq politikkikkut naalackersuinnikkullu filmiortarnerup nunatsinni inerititaqarfiunerusumik siunissamullu ungasinnerusumut tigussaanagerusumik tikkuussisumik sinaakkusersorneqarnissaa.

Inatsisiliornikkuinnaangitsoq – kisiannili aamma nunatta avataaninngaanniit filmiornikkut nunatsinnut tikittunut aammalu nunatsinni nunarsuup sinneranut filmiornikkut sunniuteqarnerulernissarput eqqarsaatigalugu.

Filmiliortarnermi aqqutigalugu nunatsinni aningaasanik kaaviiartitsinerput annertusarsinnaallutigu ilisimavarput. Taamaattumik takusassianik misigisassianillu inuussutissarsiornerup aningaasarsiornikkut iluaqutigineqarnissaa aqqutissiuunneqartariaqarpoq – aamma filmiliortarneq siuarsarnerisigut.

INUIT ATAQATIGIIT INATSISARTUNI



Inuit Ataqatigiinniit matumani siunnersuut pisarput pillugu nutaarsiassatigut isummersorfigineqarluni oqaaseqarfigineqarsimasoq ilanngullugu maluginiarparput¹.

Maluginiarparput suleqatigiissitat innersuussutaanneersut innersuussutit marluk nunatsinni filmiortarnerup siuarsarnissaanut tunngatillugu pingaaruteqarluinnartutut isumaqarfigineqartut Naalakkersuisunit taparserneqarsimannginnerannik oqariartuutit. Tassa "Filmiliortarnerup allatuulli, soorlu takornarialerinertut, inuussutissarsiutitullu akuerineqarnissaa pineqarnissaalu" pillugu, kiisalu "kalaallit filmeeraliaannik, piviusulersaarusiaannik filmiliaannillu KNR TV-p aallakaatitsisartussatut pisussaaffilerneqarnissaa"-nut tunngasoq.

Inuit Ataqatigiinniit naalakkersuisut tamannarpiaq pillugu qanoq isumaqarnersut tusarusupparput – filmiliortarnerup siuarsarnissaanut atatillugu ulluinnarni filmiliortarneq pillugu immikkut ilisimasallit isumaat tusaaniarneqarlutillu peqataatinneqarnissaat soorunami pingaartutut isigigatsigu. Ilangullugu taamatuttaaq FILM.gl tusarniaavigineqarnissaa kissaatigaarput.

Taama naatsumik oqaaseqarluta siunnersuut Inuit Ataqatigiinniit taparserparput – ataatsimiitsitaliamullu susassaqartumut suliassanngortinneqarnissaa inassutigalutigu.

¹ Sermitsiaq, 41 - 2023